

आकाशवाणी

- पच्छिम एशिया क्षेत्र च संघर्ष जारी ऐ। इजराएल -अमरीका दे सांझे जत्तें च ईरान पर ड्रोन ते मिसाइल राएं हमले।
- राष्ट्रपति ट्रम्प होरें ईरान च अमरीकी सैनिकें दी तैनाती दी संभावना थमां साफतौरा पर इंकार नेई कीता ऐ।
- प्रधानमंत्री नरेंद्र मोदी होरें पच्छिम एशिया च चला'रदे संघर्ष बश्कार साउदी अरब ते बहरीन कन्नै गल्ल कीती।
- सिविल हवाबाजी मंत्रालय नै आखेआ ऐ जे फसे दे यात्रिएं दी वापसी आस्तै इंडिगो एयर लाइन नै जेद्दा थमां भारत आस्तै 10 खास राहत डोआरियां चलाने दी योजना बनाई ऐ।
- प्रधानमंत्री होर वीडियो कांफ्रेंसिंग राएं बजट मगरा आयोजित होने आह्ले वेबिनार गी संबोधत करडन।
- बैडमिंटन च भारत अज्ज बर्मिंघम च इंग्लैंड बैडमिंटन प्रतियोगिता च अपने अभियान दी शुरूआत करोग।



West Asia War Casualties

पच्छिम एशिया क्षेत्र च संघर्ष विराम जारी ऐ ते मरने आह्लें दी गिनतरी लगातार बदा'रदी ऐ। इजराएल दी वायु सेना नै आखेआ ऐ जे उन्नै अमरीका कन्नै सांझे अभियान च ईरान दे 31 प्रांतें चा 24 प्रांतें पर 1200 थमां मतियां मिसइलां सुट्टियां ना। एहदे परते च ईरान नै बहरीन, ईराक, जार्डन, कुवैत, ओमान, कतर, साउदी अरब ते संयुक्त अरब अमीरात सने 9 मुल्लें पर हमले कीते ना। रेड क्रिसेंट मूजब ईरान च संयुक्त अमरीकी ते इजराएल हमले च 555 लोक मारे गए ना। सभनें थमां खतरनाक हमला मीनाब च इक बालिका प्राथमिक विद्यालय पर होआ जेदे च लगभग 180 बच्चिएं दी मौत होई गई। ईरानी सरकारी मीडिया नै दस्सेआ ऐ जे अली खामेनेई दी घरै आली दी बी ब्हाई हमले च सट्ट लगाने करी मौत होई गई ऐ। इजराएल च इक ईरानी बैलिस्टिक मिसाइल नै बेत शेमेश पर हमला कीता।

एहदे च 9 लोक मारे गए ते 20 थमां मते घायल होई गए ना। कुवैत च ईरानी हमलें च 4 अमरीकी सैनिक मारे गए ते 5 गंभीर तौरा पर घायल होए ना। बहरीन च सलमान औद्योगिक शैहर च इक ज्हाज पर मिसाइल दे मलबे कन्नै टकराने पर इक एशियाई मजदूर दी मौत होई गई ऐ। ईराकी मीडिया ते कताइब हिजबुल्लाह नै दस्सेआ जे जुर्म अलसखर बेस पर होए दे हमले च 2 लडाके मारे गए ते 5 घायल होए। लेबनान च सेहत मंत्रालय मूजब हिजबुल्लाह दे हमलें मगरा इजराएल दी जवाबी कार्रवाई च घट्टोघट्ट 52 लोक मारे गए न ते 154 घायल होई गए ना। सरका नै हिजबुल्लाह दी सैन्य गतिविधिएं पर पाबंदी लाई दिती ऐ। फिलीस्तीनी इस्लामिक जिहाद नै बी तसदीक कीती ऐ जे बेरूत दे दक्खन च होए दे इक हमले च ओहदे लेबनान सैन्य विंग दे कमांडर दी मौत होई ऐ। तोआई इजराएल नै दावा कीता ऐ जे हिजबुल्लाह दे खुफिया प्रमुख हुसैन मकलेद बेरूत च इक हमले च मारे गेआ।

<><><><><><>

Trump-Iran

अमरीका दे राष्ट्रपति डॉनल्ड ट्रम्प होरें ईरान च अमरीकी सैनिकें दी तैनाती दी संभावना थमां साफतौरा पर इंकार नेई कीता ऐ। इक निजी समाचार चैनल गी दित्ते गेदे इंटरव्यू च उनें आखेआ जे जरूरत पौने पर इस विकल्प पर विचार कीता जाहगा। ट्रम्प होरें आखेआ जे पूर्व राष्ट्रपतिएं आह्ला लेखा ओहू ईरान च सेना भेजने दी संभावना गी पूरी चाल्ली खारिज नेई करंगन। हालांकि उनें एहू बी जोड़ेआ जे शायद एहदी लोड नेई पवै पर जरूरत होने पर गै एहदा इस्तेमाल कीता जाहगा।

<><><><><><>

PM-Talk

प्रधानमंत्री नरेंद्र मोदी होरें पच्छिम एशिया च चला'रदे संघर्ष बश्कार साउदी अरब दे प्रधानमंत्री राज कुमार मोहम्मद बिन सलमान ते बहरीन दे राजा हमद बिन ईसा अल खलीफा हुंदे कन्नै टेलीफोन पर गल्ल कीती। प्रधानमंत्री होरें साउदी अरब ते बहरीन पर होए दे हमले दी सख्त निंदा कीती ते इनें हमलें गी सम्प्रभुता ते क्षेत्रीय अखंडता दी खलाफवर्जी दस्सेआ।

प्रधानमंत्री होरें आखेआ जे क्षेत्रीय शांति ते स्थिरता दी तौले बहाली बड़ी मती महत्वपूर्ण ऐ। प्रधानमंत्री होरें साउदी अरब दे क्राउन प्रिंस सलमान ते बहरीन दे राजा हमद बिन ईसा अल खलीफा हुंदा इस मुश्कल समें च भारती समुदाय दा ध्यान रखने लेई दौने देशें दा आभार जताया।

<><><><><><>

US-Activates 27/7 Task Force

अमरीका नै पच्छिम एशिया च जारी संकट दे मद्देनजर वाणिज्यिक मामले, नागरिक सुरक्षा ते राजनयिक सुरक्षा माहिरें दा 24 घंटे चलने आह्ला अंतर एजेंसी कार्य बल सक्रिय करी दित्तया ऐ। एहू कार्य बल वाशिंगटन केंद्र थमां कमम करा'रदा ऐ जित्थे इक संकट संचार टीम 110 थमां मते एजेंसी प्रतिभागिणें ते प्रभावित दूतावासें कन्नै हर रोज तालमेल बनाने आस्तै कॉल करा'रदिं ना। इस दरान अमरीकी विदेश मंत्री मार्को रूबियो होरें इक वीडियो सनेहू च अमरीकिणें कन्नै मध्य पूर्व दे प्रमुख हिस्सें गी फौजी छोड़ने दा आग्रह कीता ते क्षेत्र च बददे तनाव करी गंभीर सुरक्षा खतरे दी चेतावनी दित्ती ऐ।

<><><><><><>

Shah-Wildlife

अज्ज विश्व वन्यजीव दिवस मनाया जा'रदा ऐ। एहूदा मकसद वन्य जीणें दे संरक्षण प्रति लोकें गी जागरूक करना ऐ। गृह मंत्री अमित शाह होरें विश्व वन्यजीव दिवस दे मौके पर वन्य जीणें दे संरक्षण प्रति मुख्य दी बचनबद्धता दोहराई। सोशल मीडिया दी इक पोस्ट च शाह होरें आखेआ जे भारत दी सनातन परम्परा असेंगी कुदरत कन्नै तालमेल बनाइयै जीना सखांदी ऐ। उनें आखेआ जे बड्डे शेर चितरें थमां लेइयै लौहकी प्रजाति तगर हर इक जीव पारिस्थितिक संतुलन बनाई रखने च महत्वै आहली भूमिका निभांदा ऐ।

<><><><><><>

Indigo

सिविल हवाबाजी मंत्रालय नै आखेआ ऐ जे फसे दे यात्रिणें दी वापसी आस्तै इंडिगो एयरलाइन नै जेहा सोयां भारत आस्तै 10 खास राहत डोआरियां चलाने दी योजना बनाई ऐ। एहू डोआरियां जरूरी मंजूरिणें ते मौजूदा ब्हाई क्षेत्र दी स्थितिणें दे अधीन संचालित कीतियां जाडन।

मंत्रालय नै इक बयानै च आखेआ जे इंडिगो यात्रिएं दी सुविधा आस्तै जेद्दा स्थित भाती वाणिज्य दूतावास कन्नै संपर्क ते तालमेल बना'रदी ऐ।

<><><><><><>

Flights Cancelled

पच्छिम एशिया च मौजूदा स्थित दे मद्देनजर अज्ज चलने आह्लियां 357 डोआरियां रद्द करी दित्तियां गेइयां न। सिविल हवाबाजी नागरिक उड्डयन मंत्रालय नै सोशल मीडिया पोस्ट च दस्सेआ जे यात्रिएं दी सुविधा आस्तै क्षेत्र दी स्थिति पर लगातार निगरानी रक्खी जा करदी ऐ। मंत्रालय नै एहू बी दस्सेआ जे यात्री सहायता नियंत्रण कक्ष दे राएं यात्रिएं दी शकैतें दी निगरानी कीती जा'रदी ऐ ते तरजीह दे आधार पर उंदा फौरी हल यकीनी कीता जा'रदा ऐ। मंत्रालय नै जानकारी दित्ती ऐ जे इस अवधि दरान एयर सेवा, सोशल मीडिया प्लेटफार्म ते समर्पित हेल्पलाइन दे राएं एयरलाइन्स ते सरबंधित धड़ें दी कुल 559 शकैतें दा हल कीता गेआ ऐ।

<><><><><><>

Dubai-Flights

दुबई ते अबू धाबी सोयां भारत आस्तै डोआरियां कल रातीं परतिए शुरू होई गेइयां। पच्छिम एशिया क्षेत्र च जारी संघर्ष करी संयुक्त अरब अमीत च फसे दे ज्हारां बद्दे भारतीयें लेई एहू बड़ी गै राहत आह्ली गल्ल ऐ कि जे दिल्ली, मुम्बई ते बेंगलुरू आस्तै डोआरियां केई दिनें मगरा बहाल होइयां न। दुबई मीडिया दफ्तरै सोशल मीडिया पोस्ट च दस्सेआ जे दुबई ब्हाई अड्डे आसेआ कल संझा सोयां सीमित डोआरियां परतिए शुरू होने दी तस्दीक कीती गेई जेदे च दुबई अंतरराश्ट्री ब्हाई अड्डा डीएक्सबी ते दुबई वर्ल्ड सेंट्रल अल मकतूम अंतरराश्ट्री ब्हाई अड्डा डीडब्ल्यूसी थमां किश गै डोआरिएं गी चलाने दी इजाजत दित्ती गेई।

<><><><><><>

PM-Webinar

प्रधानमंत्री नरेंद्र मोदी होर वीडियो कांफ्रेंसिंग राएं बजट मगरा आयोजित होने आले वेबिनार गी संबोधत करंगन। वेबिनार दा विशे ऐ आर्थिक विकास गी सतत ते मजबूत बनाना।

प्रधानमंत्री हुंदे दफ्तरै दस्सेआ ऐ जे बजट दे मगरा आयोजित वेबिनार च औद्योगिक विस्तार, तकनीकी नेतृत्व गी मजबूत करने ते महत्वपूर्ण क्षेत्रों दी नीहू मजबूत बनाने आस्तै कीते जा रदे दूरदर्शी सुधारें पर लौऽ पाई। एहदे च आखेआ गेआ ऐ जे विचार-हिवमर्श इनें प्राथमिकताएं गी असरदार कम्में च परिणत करने पर केंद्रित ऐ।

<><><><><><>

Badminton

बैडमिंटन च भारत अज्ज बर्मिंघम च आल इंग्लैंड बैडमिंटन प्रतियोगिता च अपने अभियान दी शुरूआत करग। सारे 5 मुकाबलें च भारत दे 12 खडारी हिस्सा लै करदे न। 2 बारी दी ओलंपिक पदक विजेता पी.वी सिंधु खाडी ब्हाई क्षेत्र बंद होने करी दुबई च फसी दी ऐ इस करी ओहू एहदे च हिस्सा नेई लैग।

<><><><><><>

Asmita League Sports Ministry

युवा मामलें ते खेड राज्यमंत्री रक्षा खडसे होरें जंदे रोज अस्मिता एथलेटिक्स प्रतियोगिता दी घोशणा कीती। इस प्रतियोगिता च 8 ते 9 मार्च गी देश भरै दे 250 जिलें शा 2 लक्ख शा मतियां कुडियां हिस्सा लैडन। इक प्रेस वार्ता गी संबोधित करदे होई मंत्री खडसे होरें आखेआ जे एहू पैहलकदमी जमीनी स्तर पर मुकाबलें दा मंच प्रदान करिए देश भरै दी महिला खडारनें गी सशक्त बनाग। 2021 थमां शुरू होई दी अस्मिता खेलो इंडिया योजना दे मिशन दा इक हिस्सा ऐ। एहदा मकसद महिलाएं गी खेडें आस्तै प्रोत्साहित करना ऐ। प्रतियोगिता च अंडर 13, 13 शा 18 ते 18 शा बद्द वर्ग च 100, 200 ते 400 मीटर दियां द्रौडां होडन।

<><><><><><>

IMD

मौसम विभाग नै अज्ज अरूणाचल प्रदेश, असम ते मेघालय च बिजली पौने ते तूफान दा अनुमान जाहिर कीता ऐ। विभाग नै दस्सेआ ऐ जे सिक्किम च अज्ज बडुलै घना कोहरा छाए दा रौहग।

मौसम विभाग नै अगले 4 दिनें च उत्तर पच्छिम भारत दे मैदानी इलाकें च बद्देबद् तापमान च 2 थमां 4 डिग्री सेल्यिस दा बाद्दा होने दी मेद जताई ऐ।

<><><><><><>

Railways-Holi

रेलवे नै होली दे त्यौहार पर यात्रिये गी सुगम ते अरामदायक यात्रा उपलब्ध कराने लेई विशेष इंतजाम कीते न। एह्दे च उत्तर रेलवे दी बी खास तैयारी ऐ। पिछले 20एं दिनें च दिल्ली थमां करीब 14 लक्ख यात्रिये यात्रा कीती। तोआई, प्रमुख स्टेशनें पर कुल 22 विशेष रेल गड्डियां चलाने दी योजना ऐ। दक्खन मध्य रेलवे नै 21 फरवरी ते 2 मार्च बश्कार सिकंदराबाद, चारलीपल्ली ते तिरूपति जनेहू प्रमुख स्टेशनें थमां रक्सौल, निजामुद्दीन, कोल्लम, दानापुर ते भुवनेश्वर सने प्रमुख थाहें आस्तै 26 विशेष रेल गड्डियां चलाई गेइयां। यात्रिये दी संभावित भीड़ गी दिखदे होई इस म्हीने दी 18 तरीक तगर बक्ख-बक्ख रेलवे जोनें च विशेष ट्रेनें दे 1244 फेरें दी बवस्था कीती गेई ऐ जेह्दे कन्नै यात्रिये गी कंफर्म सीटां मिला'रदियां न ते नियमित ट्रेनें च भीड़ घट्ट लब्बा करदी ऐ।

<><><><><><>